

Kompensasjon for ubunden tid for pedagogar i barnehage – Pedagogiske og økonomiske konsekvensar

Svar på verbalpunkt:

«Kommunestyret ønskjer ei sak, i samband med revidert budsjett, om kompensasjon for ubunden tid for pedagogar i kommunale barnehagar. Saka må omhandle konsekvensar, pedagogiske og økonomiske, og økonomiske konsekvensar for dei private barnehagane på sikt.»

Økonomiske konsekvensar

Økonomisk konsekvens for kommunale barnehagar utgjer kr. 3 086 652. For 2020 ligg dekking av ubunden tid for pedagogar i Radøy inne i budsjettet, slik at differansen dette året vil utgjere kr. 1 516 250.

For å berekne konsekvens for tilskot til dei private barnehagane, er det tatt utgangspunkt i rekneskaps- og barnetal frå Lindås kommune. Med same talgrunnlag i 2022 som i 2020, ville tiltaket ført med seg eit auke i driftstilskotet til private barnehagar på kr. 1,3 mill. pr. årsverk.

Samla kostnad vil då utgjere om lag kr. 10 500 000 i ein årleg kostnad. Knytt til budsjettet for 2020 må ein trekkje frå dei kr. 1 570 402 som ligg inne i budsjettet.

Konsekvensar for dei private barnehagane på sikt

Auka tilskot til dei private barnehagane er stipulert til kr. 7 410 000.

Sjå grunnlag for berekningane i tabell under.

Fig.1

Lønnskostnad + sos.utgifter (dvs. feriepenger, arb.gj.avg., pensjon) for å dekke inn med fagarbeider. Her er det lagt til grunn fagarbeiderløn kr 420 000

Estimert kostnad ved inndekking av bemanning i ubunden tid for pedagogar.

BARNEHAGE	ANTAL PLASSAR	ANTAL PEDAGOGAR	VEKETIMER UBUNDEN TID	ÅRSVERK UBUNDEN TID	KOSTNADS- AUKE KOMMUNALE BHG PR ÅR	TILSKOTSAUKE PRIVATE BARNEHAGAR
Juvikstølen	156	12	48	1,3	Løn kr 1 176 000 Sos.utg. 340250	Kr 3 640 000
Haugen	58	5	20	0,5		
Kolås	72	6	24	0,6	Totalt 1 516 250	
Marilhøna	51,4	4	16	0,4		
Prestmarka	170	13	52	1,4	Løn 1 218 000 Sos.utg 352402	Kr 3 770 000
Bø	76	6	24	0,6		
Sæbø	72	6	24	0,6	Totalt 1 570 402	
Austebygd	31	3	12	0,3		
TOTALT	686,4	55	220	5,7	3 086 652	Kr 7 410 000

Forskrift om pedagogisk bemanning: <https://lovdata.no/dokument/SF/forskrift/2017-06-22-1049> er lagt til grunn.

Pedagogiske konsekvensar

Pedagogar i barnehage har ei avtalefesta tid til førebuing, oppdatering og planlegging («plantid»/ubunden tid) på minst 4 timar i veka. I praksis betyr dette at pedagogane går ut av avdelingane/det direkte arbeidet med barnegruppa i denne tida. Den kan vere lagt til ei fast økt kvar veke/kvar 14. dag, eller vere fordelt på ulike dagar i veka, t.d. 2 timar à to dagar i veka. Når pedagogane tar ut denne tida, er den same barnegruppa igjen med færre vaksne.


Radøy har hatt ordning med å setje inn vikar for pedagogane som tar ut «plantid», medan det ikkje har vore praksis i Meland og Lindås.

Til liks med dei andre kommunale tenesteområda i kommunen, vil det truleg verke positivt å styrkje bemanninga ved fråvær. Ved å setje inn vikar for pedagogar i barnehagane som har «plantid», blir fleire timar i veka med tettare

bemanning. Tettare bamanning vil gjere det lettare å planleggje for fleire aktivitetar, gjennomføre pausar/møte/måltid samt bidra til tettare oppfølging av barna i sosial samhandling, leik og læring. Fleire vaksne vil også gjere det lettare for barnehagen å møte barna sine ulike behov i løpet av dagen.

Tabellen under syner korleis dei tilsette på ei avdeling kan fordele seg ein arbeidsdag:

Fig. 2



Arbeidstid	07.00	08.00	09.00	10.00	11.00	12.00	13.00	14.00	15.00	16.00	17.00
Pedagogisk leiar 7.00-14.30	Tilstades	Tilstades	Tilstades	Tilstades	Pauseavviking	Tilstades	Plantid	Tilstades	Ikkje tilstades	Ikkje tilstades	Ikkje tilstades
Assistent 1 7.30-15.00	Ikkje tilstades	Tilstades	Tilstades	Tilstades	Pauseavviking	Tilstades	Tilstades	Tilstades	Tilstades	Ikkje tilstades	Ikkje tilstades
Assistent 2 8.30-16.00	Ikkje tilstades	Ikkje tilstades	Tilstades	Tilstades	Tilstades	Pauseavviking	Tilstades	Tilstades	Tilstades	Tilstades	Ikkje tilstades
Barnehage- lærer 9.30- 17.00	Ikkje tilstades	Ikkje tilstades	Ikkje tilstades	Plantid	Tilstades	Tilstades	Pauseavviking	Tilstades	Tilstades	Tilstades	Tilstades

Det er vanleg å bemanne ei avdeling med fire tilsette; Pedagogisk leiar, barnehagelærer og to assistentar/fagarbeidarar. Med ei opningstid i barnehage frå kl. 7.00-17.00, som er i samsvar med vedtektene for Alver kommune, er det vanleg å organsiere dagen/veka nokså likt som tabellen over illustrerer.

Dei kommunale barnehagane i Alver har bemanning i samsvar med nasjonal bemannings- og pedagognorm. Barnehagelova stiller krav om at barnehagane har ei grunnbemanning som tilsvarer minimum ein tilsett per 3 barn under tre år og ein tilsett per 6 barn over tre år. I følgje forskrift om pedagogisk bemanning skal det vere minimum ein pedagogisk leiar per 7 barn under tre år og minst ein pedagogisk leiar per 14 barn over tre år.

På landsbasis var det per desember 2019 60 % av barnehagane som stettar både bemannings- og pedagognorma, medan 94 % av barnehagane stettar bemanningsnorma.